

HITZEKIN

IRAKASLEAREN ORRIAK (A2)

æk
22.korrika

HITZEKIN

Amurriotik Donostiara

2022ko martxoaren 31tik apirilaren 10era

HELBURUAK

Sekuentzia didaktiko hau KORRIKA hurbil dugula egiteko pentsatuta dago, eta helburu nagusia du ikasleak KORRIKAn parte hartzen animatzea (norberaren herritik pasatzen denean korrika eginez, KORRIKA laguntzaile bilakatuz...). Horrez gain, mailari dagozkion eduki batzuk ere landuko ditugu, jakina.

OHAR GARRANTZITSUA

Ikasmaterial honekin batera, B1 mailatik aurrera, "[KORRIKA, historikoa!](#)" joko digitala eskaintzen da. Joko hori Euskal Herri mailan egitea proposatzen da, eta sariak egongo dira.

Jokoan erabiltzen diren bideoak, galderak eta erantzunak zailak dira A1 eta A2 mailako ikasleentzat; edonola ere, horiek lehiaketan parte hartu nahi izanez gero, honako bide hau proposatzen dizugu:

- Joko digitala beharrean, erabil ezazu ikus-entzunezkoen zein paperaren bidez jokatzeko aukera.
- Bideo bakoitza ikusi ondoren, har ezazu tartetxo bat ikusitakoaz mintzatzeko.
- Galderak eta erantzuteko aukerak pantailan daudela, eten ezazu ikustaldia, eta lagundu ikasleei pantailan irakurtzen dena ulertzen.

Horrela jokatzeko euskarri guztiak (jokatzeko arauak, ikus-entzunezkoak...) B1 mailatik gorako unitateetan aurkituko dituzu.

Jarduera honetako ariketak online bideratu nahi badituzu, egin klik lotura honetan: [HitzEkin A2](#).

PROZEDURA

1. EZAGUT DEZAGUN KORRIKA

Jarduera honetan, KORRIKari buruzko informazio interesgarria gogoraraziko diegu ikasleei: historia apur bat, aurtengo KORRIKari buruzko datuak... Horrekin batera, KORRIKA laguntzaile izaten animatuko ditugu.

1.1. KORRIKAn aditua zara?

- "[KORRIKAn aditua zara? GALDERAK](#)" ikus-entzunezkoa ikusi bitartean, ikasleek, bakarka, planteatzen diren galderen erantzun zuzenak aukeratuko dituzte izen bereko orrietan (4.-5. or.).
- Erantzun-orrietan nork bere izena idatzi ondoren, irakasleak horiek jasoko ditu, eta ikasleei esango die zenbat erantzun zuzen eman dituzten, horiek zein diren argitu gabe; izan ere, jardueraren amaieran joko berririo egingo da, helburua izango delarik bigarren saiakera horretan erantzun zuzen gehiago ematea.

1.2. KORRIKArekin historia laburra

- Ikasleek, bakarka, "KORRIKArekin historia laburra" irakurriko dute, eta testuko hitzak dagozkien esanahiekin lotuko dituzte (6. or.).
- Ariketa egindakoan, irakurritakoa labur komentatuko dugu, talde handian: ea irakurritakoa ezagutzen genuen, ezerk arreta eman digun...

1.3. 22. KORRIKA

- Ikasleek, bakarka, "22. KORRIKA" testua osatuko dute, eskaintzen zaizkien hitz eta egiturak erabiliz (7.-8. or.).
- Ariketa talde handian zuzenduko dugu, testua ozenki irakurrituz.

1.4. KORRIKAren ahizpak

- Ikasleek, bakarka, falta diren aditz laguntzaileak idatziko dituzte "KORRIKAren ahizpak" testuan (9. or.).
- Ariketa zuzendu ondoren, testuan agertutako hizkuntzez zer dakigun komentatuko dugu, talde handian.

1.5. KORRIKA laguntzaileak nire bizitza aldatu du

- Ikasleek, "KORRIKA laguntzailea" testua irakurriko dute. Ondoren, esaldiak iraganean berriro idatziko dituzte (10.-11. or.).
- Ariketa zuzendu ondoren, KORRIKA laguntzaile zer den azalduko diegu ikasleei, ikaslearen orriko informazioa erabilita, eta KORRIKA laguntzaile izatera animatzen ahaleginduko gara.

1.6. Eta orain, KORRIKAn aditu bilakatu zara?

- Banatu berriro "KORRIKAn aditua zara?" orriak ikasleei.
- Jarri "KORRIKAn aditua zara? GALDERAK", eta ikasleek, bakarka, galderen erantzunak jasoko dituzte.
- Zenbat erantzun zuzen eman ditugun jakiteko, "KORRIKAn aditua zara? ERANTZUNAK" ikus-entzunezkoa ikusiko dugu.
- Amaitzeko, jardueran KORRIKari buruz zer ikasi dugun komentatuko dugu. Naho izanez gero, KORRIKAren ibilbidea bana diezaiakegu, lasterketa non ibiliko den jakin dezaten (13. or.).

KORRIKAN ADITUA ZARA?**ERANTZUNAK JASOTZEKO FITXA**

IRAKURRI BIDEOAREN GALDERAK, ETA AUKERATU ERANTZUN ZUZENAK.

Lee las preguntas del video y escoge las respuestas correctas.

Lisez les questions de la vidéo et choisissez les bonnes réponses.

Izena: _____

1. GALDERA

 A..... ☐

 B..... ☐

 C..... ☐

 D..... ☐

2. GALDERA

 A..... ☐

 B..... ☐

 C..... ☐

 D..... ☐

3. GALDERA

 A..... ☐

 B..... ☐

 C..... ☐

 D..... ☐

4. GALDERA

 Egia ☐

 Gezurra ☐

5. GALDERA

 A..... ☐

 B..... ☐

 C..... ☐

 D..... ☐

6. GALDERA

 Egia ☐

 Gezurra ☐

7. GALDERA

 Egia ☐

 Gezurra ☐

8. GALDERA

 Egia ☐

 Gezurra ☐

9. GALDERA

 Egia ☐

 Gezurra ☐

10. GALDERA

 A..... ☐

 B..... ☐

 C..... ☐

 D..... ☐

11. GALDERA

 A..... ☐ B..... ☐ C..... ☐ D..... ☐

12. GALDERA

 A..... ☐ B..... ☐ C..... ☐ D..... ☐

13. GALDERA

 A..... ☐ B..... ☐ C..... ☐ D..... ☐

14. GALDERA

 A..... ☐ B..... ☐ C..... ☐ D..... ☐

15. GALDERA

 A..... ☐ B..... ☐ C..... ☐ D..... ☐

16. GALDERA

 A..... ☐ B..... ☐ C..... ☐ D..... ☐

17. GALDERA

 A..... ☐ B..... ☐ C..... ☐ D..... ☐

18. GALDERA

 A..... ☐ B..... ☐ C..... ☐ D..... ☐

19. GALDERA

 A..... ☐ B..... ☐ C..... ☐ D..... ☐

20. GALDERA

 A..... ☐ B..... ☐ C..... ☐ D..... ☐

KORRIKAREN HISTORIA LABURRA

IRAKURRI TESTUA ETA LOTU LETRA LODIZ IDATIZTAKO HITZAK ESANAHIEKIN.

Lee el texto y une las palabras en negrita con sus significados.

Lis le texte et associe les mots en gras avec leur sens.

1980a zen. Lagun batzuk etxe batean afaltzen ari ziren. **Euskaltzaleak**¹ ziren, eta afariko gaia euskara zen: gure hizkuntza nola **bultzatu**². Urte batzuk lehenago, 1977an, lehenengo Kilometroak egin zen Beasain-Lazkaon, eta **antzeko**³ zerbait **antolatu**⁴ nahi zuten. Antzeko zerbait, baina handiagoa: Euskal Herri osoa zeharkatu⁵, korrika eta gelditu gabe.

Horrela, 1980ko **udazkenean**⁶ lehenengo KORRIKA egin zen. KORRIKA hura Oñatitik atera zen, 1980ko azaroaren 29an, eta Bilbora iritsi zen abenduaren 9an. Bidean korrikalariak **lekuko**⁷ bat eraman zuten, **eskuz esku**⁸ pasatuta.

Lehenengo KORRIKA antolatzea lan handia izan zen. Eta **ondoko**⁹ edizioetan ere **arazo**¹⁰ bat baino gehiago izan ditu KORRIKAK. Hasierako edizioetan alderdi politiko batzuek KORRIKari boikot egitea eskatu zuten; baina KORRIKA egin zen. Bigarren KORRIKAn Nafarroako gobernadore zibilak lasterketa Nafarroan ibiltzea **debekatu**¹¹ nahi izan zuen; baina KORRIKA egin zen. Hamabosgarren KORRIKAn elurrak Urizaharreko **mendatea**¹² itxi zuen; baina KORRIKA egin zen.

22. KORRIKA 2021eko **udaberrian**¹³ antolatu nahi zuen AEK-k. Baina COVID-19ak plana **izorratu**¹⁴ zuen. Hala ere, boikot, debeku, **elurte**¹⁵ eta **abarrek**¹⁶ ez dute **lortu**¹⁷ KORRIKA gelditzea, eta **zomorro**¹⁸ batek ere ez du lortuko. Hala, laster KORRIKA egingo da, eta Euskal Herri osoa euskaltzalez beteko du.

Nik neuk parte hartuko dut KORRIKAn. Eta zu?



1. **Euskaltzale**: vascófilo, -a; bascophile

2. **Bultzatu**: _____

3. **Antzeko**: _____

4. **Antolatu**: _____

5. **Zeharkatu**: _____

6. **Udazken**: _____

7. **Lekuko**: _____

8. **Eskuz esku**: _____

9. **Ondoko**: _____

10. **Arazo**: _____

11. **Debekatu**: _____

12. **Mendate**: _____

13. **Udaberri**: _____

14. **Izorratu**: _____

15. **Elurte**: _____

16. **Eta abar**: _____

17. **Lortu**: _____

18. **Zomorro**: _____

a) problema; *problème*

b) prohibir; *interdire*

c) puerto de montaña; *port de montagne*

d) parecido, -a; *pareil, -eille*

e) de mano en mano; *de main en main*

f) otoño; *automne*

g) fastidiar; *déranger*

h) **vascófilo, -a; bascophile**

i) organizar; *organiser*

j) nevada; *chute de neige*

k) etcetera; *et cetera*

l) fomentar; *promouvoir*

m) bicho; *punaise*

n) primavera; *printemps*

ñ) testigo; *témoin*

o) conseguir; *réussir*

p) siguiente; *suivent*

q) atravesar; *traverser*

22. KORRIKA

OSATU TESTUA, HITZ EDO EGITURA EGOKIAK AUKERATUTA.

Completa el texto escogiendo las palabras o estructuras correctas.

Complétez le texte en choisissant les mots ou les structures appropriés.

22. KORRIKA Amurriotik aterako da, _____ (1), eta Donostian bukatuko da, _____ (2). Lasterketak 2.500 kilometro inguru¹ egingo ditu, eta korrikalariak lekukoa eta barruko mezu sekretua eramango dituzte, eskuz esku pasatuta, Amurriotik Bilboraino.

HitzEkin: 22. KORRIKAren leloa²

Aurtengo³ KORRIKA hogeita bigarrena da. Pilotalekuetan partida asko hogeita bi tantura jokatzen dira; azken tantua, hogeita bigarrena, _____ (3) da, partida _____ (4) tantua. Hogeita bigarren KORRIKA honela planteatu nahi da: partida irabazteko **garaia⁴**, euskararen alde. Nola? Hitzarekin eta **Ekinarekin⁵**. Horregatik, 22. _____ (5) leloa "HitzEkin" da.



1. KORRIKArako lekukoa Remigio Mendiburuk diseinatu zuen. Gaur egun, lekuko hori San Telmo Museoan dago, eta lasterketan _____ (6) kopia erabiltzen da.



22. KORRIKAK Pirritx, Porrotx eta Marimotots omenduko⁶ ditu

KORRIKA bakoitzak pertsona edo **erakunde⁷** bat omentzen du. Aurtengo _____ (7) Pirritx, Porrotx eta Marimotots izan dira. Aiora Zulaikak, Joxe Mari Agirretxek eta Mertxe Rodriguezek pailazo-hirukotea **sortu⁸** zuten 1987an, Lasarte-Orian, eta 34 urtez aritu dira euskararen alde _____ (8). Lan hori eskertzeko, 22. KORRIKAren omenaldia hartu dute _____ (9) Tolosan, urtarrilaren 7an.



KORRIKAren kanta

KORRIKAren 22. edizioko kanta Iruñeko Golem Baiona **aretoan**⁹ aurkeztu da, abenduaren 16an. _____ (10) "HitzEkin" du izena, letra _____ (11) idatzi du, eta musika Nerea Urbizuk egin du. Kantariak Nerea Urbizu, Anarire eta Ane García dira.

Euskaltegiatarako ekarpen ekonomikoa

KORRIKAK **helburu**¹⁰ bi ditu: euskara kalera _____ (12) eta euskaltegien lana indartzeko **baliabide**¹¹ ekonomikoak _____ (13). Horretarako, hiru _____ (14) daude: kilometroen **salmenta**¹², materialen salmenta eta KORRIKA laguntzailea. Aurtengo edizioan, AEK-k azken bidea indartu nahi du: **ahal beste**¹³ euskaltzale KORRIKA laguntzaile bilakatu nahi ditu.

(1)

MARTXOKO 30AN
MARTXOTIK 30AN
MARTXOAREN 30EAN

(2)

APIRILAREN 9AN
APIRILEKO 9ETAN
APIRILAREN 9ETAN

(3)

GARRANTZITSUAGOA
GARRANTSITSUENA
GARRANTZITSUAGO

(4)

IRABAZTEN
IRANAZTEA
IRABAZTEKO

(5)

KORRIKAN
KORRIKAREN
KORRIKAKO

(6)

GORRITIREN
GORRITIKO
GORRITIK

(7)

OMENDUAK
OMENDUTA
OMENDUTAK

(8)

LAN EGITEN
LAN EGIN
LAN EGITEA

(9)

PAILAZOEK
PILAZOK
PAILAZOAK

(10)

ABESTIAK
ABESTIEK
ABESTIA

(11)

SUSTRAI COLINA BERTSOLARIAK
SUSTRAI COLINAK BERTSOLARIAK
SUSTRAI COLINA BERTSOLARIA

(12)

ATERAZTEN
ATERATZEA
ATERATZEKO

(13)

BILTZEN
BILDU
BILTZEA

(14)

BIDE
BIDEA
BIDEAK

1. **Inguru**: más o menos; *plus o moins*

2. **Lelo**: lema; *slogan*

3. **Aurtengo**: de este año; *cette année*

4. **Garai**: momento; *moment*

5. **Ekin**: acometer; *entamer*

6. **Omendu**: homenajear; *rendre hommage*

7. **Erakunde**: organozación; *organisation*

8. **Sortu**: crear; *créer*

9. **Areto**: recinto; *salle*

10. **Helburu**: objetivo; *objectif*

11. **Baliabide**: recurso; *recours*

12. **Salmenta**: venta; *vente*

13. **Ahal beste**: tanto como sea posible; *autant... que possible*

KORRIKAREN AHIZPAK

OSATU TESTUA, FALTA DIREN ADITZ LAGUNTZAILEAK IDATZIZ.

Completa el texto escribiendo los verbos auxiliares que faltan.

Complétez le texte en écrivant les verbes auxiliaires manquants.

Berrogei urte hauetan KORRIKA euskararen aldeko **ekimenik**¹ handiena **bilakatu**² da, eta haren famak, apurka-apurka, Euskal Herriko mugak **gainditu**³ _____ (1). Horrela sortu dira KORRIKAREN ahizpak: hizkuntza **gutxitu**⁴ batzuen aldeko antzeko ekimenak.

Katalanaren eta galizieraren aldeko lasterketak

1993an KORRIKAREN lehenengo ahizpa jaio _____ (2), Katalan Herrietan. Ekimen hura *Correllengua* **bataiatu**⁵ _____ (3). Lehenengo edizioa Mallorcan antolatu zen, 1993an; eta bigarrena, Valentzian, 1995ean.

2000. urtean, KORRIKAREN bigarren ahizpa jaio zen, Galizian: *Correlingua*, galiziera hizkuntzaren alde lan egiteko ekimena.

KORRIKAREN ahizpak, Europan zehar

2008an Britainiara iritsi zen KORRIKAREN ideia, eta *Ar Redadeg* lasterketaren lehenengo edizioa antolatu _____ (4), bretoiara hizkuntzaren alde. Edizio hartan 600 kilometro inguru bete _____ (5) korrikalariek, Naonedetik (Nantes) Karaez-eraino (Carhaix). Ar Redadeg Euskal Herriko KORRIKA bezala antolatzen da: bi urtez behin egiten da, korrikalariak txandaka ibiltzen _____ (6) gau eta egun, hasieratik amaiera arte lekuko bat eramaten _____ (7), eta lekukoaren barruan mezu sekretu bat gordetzen da.

Bi urte geroago, 2010ean, Rith lasterketak Irlanda osoa zeharkatu _____ (8) bertako gaelikoaren alde. Eta, Britainiar uharteak utzi gabe, 2014an galestarrak Ras yr Iaith antolatzen hasi _____ (9).

Azken urteotan, beste hiru ahizpa txiki jaio _____ (10) KORRIKARI Europan: 2018an *Le Passem* lasterketa sortu zen, okzitanieraren alde; 2020an *Sprochrenner*, alsazieraren alde; eta 2021ean, azkenik, *Currlingua* etorri zen mundura, korsikeraren alde.

Lefkantun, ahizpa txiki amerikarra

2016an KORRIKAK Atlantikoa gurutzatu _____ (11) eta maputxeen lurretara iritsi zen. Eta han KORRIKAREN ahizpa amerikarra jaio zen: *Lefkantun*, mapuzugun hizkuntzaren aldeko lasterketa. Lehenengo *Lefkantun* Temuco herrian antolatu zen (Araucanía, Txile).



1. **Ekimen**: iniciativa; *initiative*
2. **Bilakatu**: convertir(se); *devenir*
3. **Gainditu**: rebasar; *surpasser*
4. **Gutxitu**: minorizado, -a; *minorise, -sée*
5. **Bataiatu**: bautizar; *baptiser*

"KORRIKA LAGUNTZAILEAK NIRE BIZITZA ALDATU DU"

IRAKURRI TESTUA ETA BERRIDATZI IRAGANEAN.

Lee el texto y reescribelo en pasado.

Lisez le texte et réécrivez les phrases au passé, comme dans l'exemple.



Iñazio urtarrilaren 10ean, KORRIKA laguntzaile egin aurretik.

"**Gizajo**¹ bat naiz. Ez zait ezer ondo ateratzen. Lanpostu guztiak galtzen ditut. Plan bat egin nahi dudan bakoitzean, lagunak zeregin **garrantzitsuren**² bat izaten dute, beti: ezkontza bat, **hileta**³ bat, **lapikoa**⁴ sutan... Maskotekin ere ez dut zortetik izaten: Pituk, nire katuak, leihotik ihes egin du, zazpigarren **solairuan**⁵ bizi garela kontuan hartu gabe; eta arraintxoia ito egin zait. Semaforo guztiak gorri aurkitzen ditut. Kaleko banku batean esertzen naizenean, beti egoten da margotu **berri**⁶. **Zorigaiztokoa**⁷ naiz!



Iñazio martxoaren 1ean, KORRIKA laguntzaile egin ondoren.

Bizitza zoragarria da. Dena ateratzen zait ondo: lanak edonon agertzen zaizkit, **perretxikoak**⁸ bezala; lagunak ezin dira ni gabe bizi; telefonoz gestio bat egin behar dudan bakoitzean, beti izaten da langile **gizatiar**⁹ bat libre, nirekin hitz egiteko. Zoriontsua naiz!

Eta zuk nor izan nahi duzu, urtarrileko Iñazio ala martxokoa? Ez izan kamikazea, ez arriskatu eta egin zaitetz KORRIKA laguntzaile. Paradisua zure zain dago; eta aurkitzen ez baduzu ere, kontuan hartu KORRIKA aurrera ateratzen laguntzen ari zarela. Ez da gutxi, ezta?

Egin zaitetz laguntzaile



Korrika laguntzailea izatearen abantailak¹⁰:

• Astero, **zozketak**¹¹ egingo ditugu LAGUNTZAILEEN artean... **300 sari baino gehiago**...

• Oro har, **KORRIKAren ekimenetan lehentasuna**¹² edo **deskontuak** izango dituzu.


• Deskontuak AEK-ko ikastaroetan ere. AIZU! aldizkariko **harpidetzan**¹³...

• Eta, **aldi-aldi**¹⁴, gure berri jasoko duzu **KORRIKA laguntzaileentzako buletinaren** bidez.

... eta **garrantzitsuena**: **KORRIKAren parte zara**, zure laguntzaz egingo dugulako aurrera.

Eskerrik asko!

ORAIN BERRIDATZI AURREKO ORRIALDEKO TESTUAK IRAGANEAN, ADIBIDEETAN BEZALA:

**A.**

"Aurreko KORRIKAn, 2019an, ez nintzen KORRIKA laguntzaile izan. Gizajo bat nintzen. Ez zitzaidan ezer ondo ateratzen. _____

**B.**

"Aurreko KORRIKAn, 2019an, KORRIKA laguntzaile izan nintzen. Bizitza zoragarria zen. _____

1. **Gizajo:** infeliz (hombre); *pauvre (homme)*
2. **Garrantzitsu:** importante; *important, -e*
3. **Hileta:** funera; *funérailles*
4. **Lapiko:** puchero; *marmite*
5. **Solairu:** piso; *étage*
6. **Berri:** recién; *récemment*
7. **Zorigaiztoko:** desgraciado, -a; *infortuné, -e*

8. **Perretxiko:** seta; (gros) *champignon*
9. **Gizatiar:** humano, -a; *humain, -e*
10. **Abantaila:** ventaja; *avantage*
11. **Zozketa:** sorteo; *tirage au sort*
12. **Lehentasun:** prioridad; *priorité*
13. **Harpidetza:** suscripción; *souscription*
14. **Aldiro:** periódicamente; *périodiquement*

ERANTZUNAK

KORRIKAREN HISTORIA LABURRA

1. **Euskaltzale**: vascófilo, -a; *bascophile*
2. **Bultzatu**: fomentar; *promouvoir*
3. **Antzeko**: parecido, -a; *pareil, -eille*
4. **Antolatu**: organizar; *organiser*
5. **Zeharkatu**: atravesar; *traverser*
6. **Udazken**: otoño; *automne*
7. **Lekuko**: testigo; *témoin*
8. **Eskuz esku**: de mano en mano; *de main en main*
9. **Ondoko**: siguiente; *suivent*
10. **Arazo**: problema; *problème*
11. **Debekatu**: prohibir; *interdire*
12. **Mendate**: puerto de montaña; *port de montagne*
13. **Udaberri**: primavera; *printemps*
14. **Izorratu**: fastidiar; *déranger*
15. **Elurte**: nevada; *chute de neige*
16. **Eta abar**: etcetera; *et cetera*
17. **Lortu**: conseguir; *réussir*
18. **Zomorro**: bicho; *punaise*

22. KORRIKA

(1) martxoaren 31an; (2) apirilaren 9an; (3) garrantzitsuen; (4) irabazteko; (5) KORRIKAREN; (6) Gorritiren; (7) omenduak; (8) lan egiten; (9) pailazoek; (10) Abestiak; (11) Sustrai Colina bertsolariak; (12) ateratzea; (13) biltzea; (14) bide.

KORRIKAREN AHIZPAK

1.- ditu; 2.- zen; 3.- zuten; 4.- zuten/zen; 5.- zituzten; 6.- dira 7.- dute/da; 8.- zuen; 9.- ziren; 10.- zaizkio; 11.- zuen.

KORRIKA LAGUNTZAILEAK NIRE BIZITZA ALDATU DU

A.

"Gizajo bat nintzen. Ez zitzaidan ezer ondo ateratzen. Lanpostu guztiak galtzen nituen. Plan bat egin nahi nuen bakoitzean, lagunak zeregin garrantzitsuren bat izaten zuten, beti: ezkontza bat, hileta bat, lapikoa sutan... Maskotekin ere ez nuen zortetik izaten: Pituk, nire katuak, leihotik ihes egin zuen, zazpigarren solairuan bizi ginela kontuan hartu gabe; eta arraintxoia ito egin zitzaidan. Semaforo guztiak gorri aurkitzen nituen. Kaleko banku batean esertzen nintzenean, beti egoten zen margotu berri. Zorigaitzokoa nintzen!

B.

Bizitza zoragarria zen. Dena ateratzen zitzaidan ondo: lanak edonon agertzen zitzaizkidan, perretxikoak bezala; lagunak ezin ziren ni gabe bizi; telefonoz gestio bat egin behar nuen bakoitzean, beti izaten zen langile gizatiar bat libre, nirekin hitz egiteko. Zoriontsua nintzen!

22. korrika HITZEKIN

Amurriotik Donostiara 2022ko martxoaren 31tik apirilaren 10era



22. KORRIKAREN ibilbidea